

CICIKOANBADIEGU

BULICINA FASO

Ti baa dógú pò, li yaa dani kúuma, ti baa paadí

GUFENEMA MASOAGINDO

BÀALÓ KOANBÁLA TÁÁNLI
JAGA DOAGIDIMA

(PP-G N°001-2026)

Pengidiwende Silibeedi WEDIRAWOGO

Wagidugu, li binli 2026 cilè dana 08

Báalo Koanbála táánli den kali Wagidugu
nani ban maani ki tiedi mààma dana lele kúli,
li binli 2026, cilè dana 08, alaamuda daali
ki cili leerì 9 yogunu ki ban gbeni leerì 12 leni miniti 37,
Kapitenni Ibirayimi TARAWARE, yua n tie ti Diema Yudanciamo
leni a Koanbála Táánli Liigiyua n den gobidi laa táánli.

A Koanbála Táánli den noanli li daali máyùla nni
ki tàà a jaga, ki puni i làabáali,
ki dini bi niba a bála li tuonli pò,
ki puni u sanu bi niba n gedi dietoama nni ti diema yèli pò.

I. A JAGA

I.1. YAA KOANBADIEGU N DIE TI DIEMA GUUDIMA LENI A MINTEELIKPELA MÁAMA KANI

A Koanbála Táanli táa **tiwaankàana lie (02)**.

Li tiwaankakpiali tuugi leni ban sieni yaa **máadigagidima tili** ki báà báa ki dini mi diema minteela ti minteeligbegindi bála.

Li pundi bina boncianla ke Bulicina Faso ye leni a nibiada miligima muali. Laa bonla po teni ke ti minteela ye bu toabu nni yogunu kuli hali màamà ke li pundi ban yaa báadi yogugunu kuli ti toatiadi leni bu toabu bangima ki pugidi.

Bi diidi ki sua ke yaa báli máama n den táa li binli 2024, piiga n cilo dana 29 daali ke mi lanba tie n°039-2024/ALT, ki waani ban bogini mi diema minteela mabilikààama tili màamà, kan fidi ki teni a minteela n báa yaa bonla kuli n bua ki tie tiladi bu toabu nni.

Yaa máadigagidima tili n tie ne baa teni ban fidi ki gagidi ki dini a minteeligbenga siiga ti minteeligbengidi báli yaaba n puni bi yùla bu toabu pò ki go soani ke li waagi ki pundi nani ban den táa yaa báli máama li binli 2025, piiga n cilie dana 22 daali ke mi lanba tie n°020-2025/ALT, ki waani ke Gufenema pia u sanu ki táa a jaga yaala n tie tiladi bonla pò mi diema koaguudima nni, n bili màamà.

Laa máadigagidima tili táama baa teni ban fidi ki táa yaa jaga n tie tiladi ki báa ki pugini yaa minteela n ye a dojàana nni bu toabu pò gbamanu.

Li tiwaankalieli tuugi leni **ban bogini yaa masienkàama tili** ki goa ki pegidi ban den táa yaa masienkàama tili li binli 2023, cinaa dana 28 daali ke li lanba tie n°2023-0501/PRES-TRANS/PM/MDAC/MATDS/MEFP/MJDHRI/MEEA ki cilini yùcéli yanbuama jakoanda cagili u báadogu koaguudima pò (BEVEDEPE.

Laa masienkàama tili goapegidima bua ki pugini yùcéli yanbuama jakoanda cagili u báadogu koaguudima pò yienu báli máama paalu ki tugini leni moala na yaala n tie tiladi bu toabu pò.

Li boncánla laa másienkàama tili nni, li tianla tie :

- ki teni yùcéli yanbuama jakoanda cagili u báadogu koaguudima pò n tua minteelicagili ;
- ki doagidi cain yùcéli yanbuama jakoanda cagili u báadogu koaguudima pò tuonli n tie yaali;
- ki doagidi cain laa minteelicagili jakoandidondili;
- ki pugini li báli maáma tila toana leni yaa masienkàama tili n cilini yùcéli yanbuama jakoanda cagili u báadogu koaguudima pò màamà ke laa masienkàama baa waagi ki kan yaa lebidi yogunu kuli.

Laa masienkàama tili táama baa teni yùcéli yanbuama jakoanda cagili u báadogu koaguudima pò n baa yaa báli máama n dagidi mi yanduanma guanma toabu sanbila nni.

I.2. YAA KOANBADIEGU N DIIDI TI DIEMA LOAGU LENI I LIGI KANI

A Koanbála Táanli táa **Masienkàama tila lie (02).**

Mi masienkàama tikpiali tuugi leni i biakàabi sedima leni mi biakafanma nni kpendu n kuandi yaa ligi.

Laa masienkàama tili tie ki guani ki pegidi ban den táa yaa masienkàama tili li binli 2022, cilè dana 24 daali ke li lanba tie n°2022-054/PRES/PM ki waani i biakàaba sedima leni mi biakafanma nni kpendu n pia yaa bancana. Hali ban táa laa masienkàama tili ti diema nni, ti tuonsoandiedi boncianla pugini i biakààbi cenli tuona pò, lani n tie ti diema biakafanma tuonsoancagili (SAFA) cilima, yaa

tuonsoancagili n baa yaa gobidi Bulicina Faso nni mi biakafanma tuona, mi biakafanma maama, mi findima, mi pandima, leni mi ŋanbima.

Laa masienkàama tili bua ki teni mi diema biakafanma tuonsoancagili n yaa gobidi ki go gáani i biakàabi jiidima leni mi biakafanma nni kpendu bancana ligi.

Li boncanla yaala n tugi yùli laa masienkàama tili nni tie :

- ki guani ki lebidi yaa bancanli n tuugi leni i biakàabi sancenli tuona;
- ki cilini a bancanpaana panpani nani yaa biakàabi n ki tie minteelibiakàabi sancenli bancana, bi sancenba gobidima bancana, mi biakafanma tuonsoandiedi puginma bancana, ti tiajiginkàadi leni i ligi tugima bancana;
- ki doagidi cain laa bancanna n tie ya, li ligi gáama leni i kubima gobidima sanbila lan teni i ligi kuama n tua fáála ke a tuona moko cuoni li nunga.

Laa masienkàama tili táama baa teni ban cilini a bancanpaana panpani i biakàabi sancenli tuona pò ki go báa yaa báli máama n baa yaa gobidi ti diema biakafanma tuonsoancagili cilima.

Mi masienkàama tilieli tie ki teni ban cili ki yaa gáani a tuona goandima panpani ligi a tuona leni bi tuonsoanba yema ŋamu koanbadiegu kani.

Mi masienkàama tili boncianla waani yaa koanbadiegu n die a tuona leni bi tuonsoanba yema ŋamu tuona soanma panpani ligi gáama n baa yaa ŋoa màamà. Li tie yaa masienkàama tili n den táa li binli 1999, ciluoba dana 09 ke li lanba tie n°99-184/PRES/PM/MTESS/MFB ki waani a tuona soanma pò ligi n baa yaa da màamà, laa ligi pama sanbila leni yaa masienkàama tili n den guani ki pegidi laa báli máama li binli 2003, ciluoba dana 16 ke li lanba tie n°2003-304/PRES/PM/MTEJ/MFB ki pugini leni yaa masienkàama tili n den táa li binli 1999, ciluoba dana 06 ke li lanba tie n°99-183/PRES/PM/MTESS/MFB ki

waani ke bi baa yaa gáani li tuonli soanma sieditili tienma pò i ligi, ki pugini leni yaa masienkàama tili n den tua lin mo yaa lebidu li binli 2023, ciluoba dana 16 daali ke li lanba tie n°2003-303/PRES/PM/MTEJ/MFB.

A bina boncianla puoli, bi diidi ki sua ke laa masienkàama tila kuli nni libonla báà ki poadi. Laa bonpoadikàala siiga, li tianla tie ke li báli máama tila ji yabi boncianla ki sua ke a tuona mo pugidi ke bi tuonsoanba yema ṣamu sanbila mo lebidi yogunu kuli.

Yaa masienkàama tili n tie na táani li báli máama tila ya gobidi a tuona soanma leni bi tuonsoanba yema ṣamu pò tila tienma n pia yaa panpani ligi kuli masienkàama tiyenli nni. Laa masienkàama tili go waani yaa tuona n yuandi ki pugini ke a soanma baa yaa pia i panpani.

Ban yuandi ki pugini yaa tuona leni i panpani yeni a tiana nne :

- li tuonsoancagili bandima sieditili tienma bi li lebidima;
- yaa tuonsoandiedi n goandi li tuonli masina leni yaa tuonsoantiadi n baa fidi ki cuani jalibu bi tuonsoanba pò bandima sieditila tienma bi a lebidima;
- bi niba yema ṣamu tataacaga bandima sieditila tienma.

Laa masienkàama tili táama baa teni ban guani ki pandi li báli máama tila a tuoncaana panpani ligi gáama pò lan go todi i ligi n yaa koa Bàaló ligikpagu nni.

I.3. YAA KOANBADIEGU N DIE TI DIEMA LENI DIETOAMA SIIGA TUGINMA, TI DIEMA LENI I NIBOANDOGI JUOGU LENI TI DIEMA NIBA YAABA N YE DIETOAMA NNI MÁAMA KANI

A Koanbála Táanli taa **tiwaankàana lie (02).**

Li tiwaankakpiali tuugi leni **ban bogini yaa báli máama** ki baa teni Depiteenba n pa u sanu Bàaló n tuo ki pegidi li ɲandunli kuli n jagi ki sieni yaa maadidaginma tili li binli 2014, cinaa dana 04 Monreyali dogu nni yaala n tie i biakààbi cenli fuuli nni yaa tudima n baa fidi ki tieni pò.

Monréyali dogu po ban den táani ki ñani yaa ñoamabonli yeni ɲoadi leni li ɲanduli nitaancaga n tieni yaa moandili ki baa teni ban den sieni yaa maadidaginma tili Tokiyo dogu nni n báa u paalu bàá yaa dogi n ki pia i cele biakààbi nni, ki teni laa dogi moko n yaa pia u sanu ki sieni i biakàaabi sancenla yaaba n ki ɲua li sanceli báli máama. Ki teni dogu kuli n ñii laa ñoamabonli tiladi, li tie yaa jagili n baa pugini i dogi siiga taajuogu ki wadi i biakàabi sancela siiga yaa tuada n ki yegi leni li sancenli báli máama.

Buliciina Faso den kali ban den tieni yaa táancianli Monréyali dogu nni li binli 2024 ki táani ki ñii laa ñoamabonli.

Laa ñoamabonli yedikààla cili ki tiendi li binli 2020, cilè danyenli daali. Hali lan daali ki taa ki tuu dinla, dogi 36 n tuo ki ñii laa ñoamabonli, dogi 20 n tuo ki puni u sanu laa ñoamabonli n bili yaala n cili yi niinni, dogi 03 mo waani ke i tuo laa ñoamabonli ama ki daa puni lebidima bà n tieni, dogi 30 moko waani ke i tuo ki kua li cagili nni.

Ban bogini yaa báli máama yeni bua ki teni ti diema n tuo ki ɲuadi laa ñoamabonli n bili màama.

A Koanbála Táanli tuo ke yaa báli máama n bogini yeni n pundi Depiteenba tuonsaondiegu kani.

Li tiwaankalieli tuugi leni **ban bogini yaa masienkàama tili** ki sieni Bulicina Faso niba yaaba n ye Bangui Santarafiki diema nni tila tienma gobidima liiga yua tuonli.

Bi den táa li binli 2018, piiga n cilo dana 22 yaa masienkàama tili lanba n tie n°2018-1046/PRES/PM/MAEC/MINEFID ki dini li báli o joa Bukali SALANBORE ke o tua Bulicina Faso niba yaaba n ye Bangui Santarafiki diema nni tila tienma gobidima liiga yua.

O soani lipo a bina boncianla, ama o tuonli nni o tudi ki go poadi bonla boncianla pò Bangi dogu nni.

Laa masienkàama tili waani ke o joa Bukali SALANBORE, wan yua n bi tie Bulicina Faso niba yaaba n ye Bangui Santarafiki diema nni tila tienma gobidima liiga yua, tuonli sedi kelima o tudicianma pò nani li ñoamabonli 15 yaali n ñani ban den táa yaa masienkàama tili li binli 2024, cinaa dana 17 ke li lanba tie n°2024-0453/PRES-TRANS/PM/MAECRBE/MEFP ki waani Bulicina Faso niba yaaba n ye i dolami nni tila tienma tuonsoandiedi leni ti gobidima liiga yaaba tuona cenli ñamu báli máama.

I.4. YAA KOANBADIEGU N DIIDI BAALO SALIWUUDO, A TUONA LENI BI TUONSOANBA YEMA ÑAMU KANI

A Koanbála Táanli táa **masienkàama tila lie (02)**.

Mi masienkàama tilikpiali yegi leni Bàaló saliwuudo, a tuona leni bi tuonsoanba yema ñamu koanbadiegu boginma.

Laa masienkàama tili tie yaali n guani ki pegidi yaa masienkàama tili n den táa li binli 2024, piiga n cilo dana 27 ke li lanba tie n°2024-1464/PRES/PM/MFPTPS ki waani Bàaló saliwuudo, a tuona leni bi tuonsoanba yema ñamu koanbadiegu n bogini màamà.

Laa pegidima bua ki teni ban yuandi ki boagidi mi diema tinbuona màamà n yaa tuugi leni Gufenema n teni yaa sanbipaana ti koanbadiedi gobidima pò ke li go

yegi leni yaa masienkàama tili n waani ti koandiedi gobidima n baa yaa ɲua màama.

Li boncanla yaala n tugi yùli laa masienkàama tili nni tie :

- ki cilini yaa tuonsoandiegu n baa yaa diidi Bàalo tuonsoanba banma leni bi banma sieditila ɲamu ;
- ki teni Bàaló saliwudo tuonsoandiedi leni a tuona leni bi tuonsoanba yema ɲamu tuonsoandiedi n táani yenma ki tua Bàaló saliwuudo, a tuona leni bi tuonsoanba yema ɲamu tuonsoandiegu desiyon kuli nni desiyonmba 17 yeni nni ;
- ki cilini Bàaló saliwuudo, a tuona leni bi tuonsoanba yema ɲamu tuonsoandiegu desiyon nni liiga yua tuonli ;
- ki lebidi yaa tuonsoandiegu n diidi ku ɲangu leni li tuonli nni li laafiali bi tuonsoanba laafiali tuonsoandiegu kani yeli ki teni kun yaa ji yi ku ɲangu leni bi tuonsoanba laafiali diidima tuonsoandiegu ;
- ki cilini i badi leni a táana boginma gobidikoa tuonli.

Laa masienkàama tili táama baa teni yaa koanbadiegu n diidi Bàaló saliwuudo, a tuona leni bi tuonsoanba yema ɲamu koanbadiegu n báa ku tuonli cenli ɲamu báli máama pò tipaana ki yaa tuuni ku tuona ke li dagidi.

Mi masienkàama tilieli tie « mu tinmu tugu nni bonpiakàala lingima leni kuuran tuonli » mabilikàama tili waanma. Laa masienkàama tili guani ki lebidi yaa masienkàama tili n den táa li binli 2021, cimuu dana 19 ke li lanba tie n°2021-0430/PRES/PM/MINEFID/MFPTPS ki waani « mu tinmu tugu nni bonpiakàala lingima leni kuuran tuonli » mabilikàama n tie yaama, ki teni lan ɲoadi nani yaa lebidima n tieni Bàaló koanbadiedi tuonbuoli tili nni (RIME) ki go tiadi yaa tuona pugini moala na pò.

Li boncanla yaala n tugi yùli laa masienkàama tili nni tie :

- ki dini kuuran tuona banda (Elekitorotekinisien) li báli ban tua kurran tuona bandiciama kuuran tuoncagili nni ;
- ki dini li báli yaa tuonsoanba n diidi mu tinmu leni ki tinga tugu nni pianma li báli ban tua mu tinmu diidima leni ki tinga tugu nni pianma tuonli banda ;
- ki doagidi ki waani Bàaló bi boncelidanba n die yaa tuosoanbangima tuonsoandiegu ke ku tie Bàaló n bani yaagu yaa po n bundi yaala ;
- ki doagidi ki waani saliwudi tuonli bandima cogibiga guanma tuonsoandietoagu po n baa ñoadi yaa sanbila .

Laa masienkàama tili táama baa teni ban fidi ki bogini ki go gagidi ñama Bàaló saliwudo tuona.

I.5. YAA KOANBADIEGU N DIE TI BUUDI LENI O NISAALO N PIA YAA SANBILA, KI TUUGI LENI A TUONSOANJAANA KANI

A Koanbála Táanli taa **tiwaankàana lie (02)**.

Li tiwaankakpiali tuugi leni **masienkàama tila taa ban bogini ya** ki gandi ki dini yaa polisinba n tie ti kpaadidiedi guudima goandikàaba caga yaaba tuona bála.

Ti kpaadidiedi guudima goandikàaba bála dinma yegi leni yaa masienkàama tili n den taa li binli 20217, ciyia 21 ke li lanba tie n°2017-0885/PRES/PM/MJDHPC/MINEFID ki waani ti kpaadidiedi guudima polisinba tuonli n baa yaa suagi màamà.

Laa masienkàama tila táama baa teni ban baa ki gandi niba taa **(03)** ki dini ba ti kpaadidiedi guudima polisinba goandikacianba liiga yaaba báli, ki gandi niba

muu (05) ki dini ba ti kpaadidiedi guudima polisinba goandikacianba caga báli, ki gandi niba piiga (10) ki dini ba ti kpaadidiedi guudima polisinba goandikàaba gobidikàaba báli.

Li tiwaankalieli tuugi leni yaa **masienkàama tili** n waani ke bi baa wadi a kpaaditiama cuonu dana yaala n tie li binli 2026 cilima pò, cilè dan 1 daali.

Hali li binli 1991, ciluoba dana 2, li bili ti diema báli máama tanpuuli nni li ñoamabonli 54 kani ke ti diema Yudanciamo pia u sanu ki tieni li ñanbili páabu a kpaaditiama pò. Li yaapo, binli kuli cilè dan 1 daali, ti diema Yudanciamo yen ñii laa báli máama pò leni yaa báli máama n den táa li binli 2017, cinaa dana 10 ke mi lanba tie n°010-2017/AN ki waani Bulicina Faso nni ti kpaadidiedi guudima polisinba tuona n ñua màamà, ki tieni li ñanbili páabu a kpaaditiama pò.

Laa masienkàama tili bua ki wadi cain bi ki boagidi ki wadi u cuonu dana a kpaaditiama pò yaaba yaa cuonu n den pia li bianu leni yaaba yaa cuonu n den tie hali bi miana gbenma bianu.

Yaala n tie li binpanli 2026 nna pò, li tie **kpaada kobitaa n piilele n nibilie (372)** n baa baa ban wadi bi cuonu dana cain ke **kpaada kobimuu n piyyia (590)** mo baa baa bi cuonu dana n wadi boagidima nani ñmaali 03 ki yaa ca ñmaali 12 ; kpaadiyendo yua yaa cuonu n bi tie hali o miali gbenma mo baa baa ban faabi o cain.

Ban gagidi yaa kpaada ki baa waadi bi cuonu dana ñoadi leni bi bina kpeligima, bi cuonu dana koabigima, bi laafiali poadima bi leni ban puni bi yùla màamà bu kpaabu tuonli pò leni a tataatuona pò. Li go ñoadi leni a kpaaditiama miabu bi cuonu n guani bi niba yema ñamu tataatuona pò.

Laa ñanbili paabu yaala n yegi leni bi cuonu dana wadima tie ki gbadi a kpaada pò mi ninñima ki go páa ba li yumanli ban guani ki tegini bi tuada.

Laa masienkàama tili táama baa teni ban wadi cain, bi boagidima, bi ki lebidi **kpaada kobiya n piiluoba n bitaa (963)** cuonu li binpanli 2026 cilima pò, cilè dan 1 daali.

Yaa kpaada n báa laa ñanbili páabu yela baa ña Bulicina Faso làabáalitarianli nni.

I.6. YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA KANI

A Koanbála Táanli táa **masienkàama tili** ki lebidi yaa masienkàama tili n den táa li binli 2024, cipiiga dana 29 ke li lanba tie n°2024-1251/PRES/PM/MICA/MEF/MI ki cilini Bàaló leni boncelidanba n táani ki die yaa tuonsoanjaali ke li yi « jilijili sani tienma tuonsoanjaali ».

Laa masienkàama tili lebidima bua ki guani ki teni ti kudi tuodima tuonsoanjaali Afiriki nintuali dogi nni (SOAFI) n bi die yaala jilijili sani tienma tuonsoanjaali nni (FASO RAYI) ke li tie 5% n pundi 25%.

Yeni, FASO RAYI tuonsoanjaali ligiyùli nni yaali yaa ligi n pundi **miliyaadinba piiga seefa ligi nni**, Bàaló leni o tuonsoanjaana ji baa yaa die 95% ke boncelidanba mo die 5%.

Laa masienkàama tili táama baa teni ban lebidi Bàaló leni ti kudi tuodima tuonsoanjaali Afiriki nintuali dogi nni n die yaa ligi jilijili sani tienma tuonsoanjaali ligiyùli nni.

II. I LÀABÁALITENKE

II.1. Bu kpaabu, li yanwubili leni mi ñima nni bonpiakàala koanbáli puni a Koanbála Táanli yaa làabáalu n tuugi leni ku kpaangu daama bi kpakpaaba kani n den cuoni màamà leni ban báa yaa làabáali leni bi kpakpaaba ku siagu tuona pò ki cili li binli 2025 ki gedi 2026 ya siagu pò.

Bulicina Faso den táa li jagili hali li binli 2023 yaala n tie ban baa táá yaa sanbila ki teni bu kpaabu, li yanwubili leni u jankpaanu tuona n yaa cuoni ñanma leni tontoni lan teni li binli 2025 n tua li jeeguoli binli bi niba kuli pò. Li tie lani yaa po yo ke mi diema nni yaa tuonsoanjaali n gobidi ban biliti yaa bonjekàala mi jiema dagidima bi niba pò (SONASESI) ji diedi li bonjekàala daama, ki caa i kuani nni ki magi ku kpaangu bi kpakpaaba kani yaala n tie li binli 2025 ki gedi 2026 binli siagu pò. Yeni, bi yen dáa mi jebilikàama mi diema kpakpaaba kane lani n tie lan todi ku kpaangu báali puginma leni li jeeguoli yudiedima ki go yaa fáámi ki gobidi ku kpaangu kuadima dunga.

Ban bua ku kpaangu báali n pundi naani li binli 2025-2026 siagu pò tie tonninba 530.000 lani n tie a kokoda, i diyoe, i coadi, a muuliwoga leni a tuuna ke li boagidi nanda :

- a muuliwoga tonninba 300. 000 ;
- a kokoda tonninba 150.000;
- i coadi tonninba 30.000;
- i diyoe tonninba 15.000;
- a tuuna tonninba 35.000.

Tonninba 530.000 dunga tie sefa ligi nni K 95.844.005.000 ki pugini leni ti biadi tugima ligi, mi yuacienma leni mi yuañanma ligi leni ti tiadi daama ligi. SONASESI n tugi li tugicianli laa ligi ñanma nni ki pugini leni bi todikàaba todima.

Bi siegi ki sieni ku kpaangu dunkuadikàaga màamà ke bi kpakpàaba baa báa ti ñuadi.

Piiga n cilie ñmaalo nni ban den diidi ki la ke ku kpaangu magidi cuoni màamà yeni doagidi ke ku kpaangu daama bi kpaakpaaba kani pia u fidu boncianla.

II.2. Yaa koanbáli n die ti diema leni dietoama siiga tuginma, ti diema leni i niboandogi juogu leni ti diema niba yaaba n ye dietoama nni máama puni a koanbála táanli **làabáali taa (03)** :

- **U làabáalikpialu** tuugi leni Bulicina Faso gandima INESIKO cagibitaada nni yaa taancianli n den tieni li binli 2025, piiga n cilo dana 10 mi piinaa n taabuataama po (43) Samarikande dogu nni, lani n tie Usibékisitan po.

Bi den gandi Bulicina Faso ke o kua li bujiali cagili nni bina lie pò (02). Bi go den gandi Bulicina Faso ke o kua li ñandunli nni, ya cagili n die mi ñima leni i kpeni máama binaa naa (04) pò, leni ya cagili n moa ban guani diema kuli maasugu piama man cililini yaa dogi nni bina naa (04) pò.

Ti diema n báa ki kua li ñandunli caga ya yaa niini yeni yegi leni ti diema Yudanciamo n teni ke yaa lebidima n tieni ti diema yudiedima pò leni tin pia yaa sanu ki gandi tin bua yaa danlinba li ñandunli nni ti diema niba yema ñamu pò.

INESIKO Táancianli yaali n tie ñanduna dogi cagicianli boginli, yen tieni bina lie kuli siiga ki doagidi a tuona n ba ñoadi-ñoadi màamà leni lan miadi ya ligi bianu.

- **U laabaalu lielu** tuugi leni Bulicina Faso n den kali yaa cagili n yiedi ti jakoantiabiaditi tuona biigima (OTISE) Táancianli li binli 2025 piiga n ciyendo o dana 10 ki gedi o dana 14 daali mi piiluoba n taabuamuuma (65) pò, Vienni, lani n tie Otirisi diema nni.

Li taanli yogunu, Bulicina Faso den doagidi o yantiali yaala n tie ki yie ti jakoantiabiaditi tuona bontuadikaala nani o kuuran ciamo tuona masienkàama tili (TISE) n bili màamà. Bulicina Faso tonda go den mia mi todima yaala n baa pugini yaa cagili n diidi mi diema ɲasiili làabáali máama tuona (SENEDE) gbamanu.

Ti dogu n bua yaala tie ke o kuuran ciamo tuona n todi bi niba yema n ɲanbi. Lani yaapo n cedi ke bi pugini a banda banma yaala n tuugi leni o kuuran ciamo tuona po ke lan todi ti dogu leni dogitoe danligu gbamanu n suagi liiga.

- **U làabáalu taalu** tuugi leni Bulicina Faso leni Maroki siiga danligu cagili n den tieni yaa táanli mi taabuamuumu pò ki go lebini leni laa danligu binpiiluobidi tiadima badu li binli 2025 piiga n cilie o dana 10 daali Wagadugu nni.

Mi taabuamuumu pò, Bulicina Faso leni Maroki siiga danligu cagili táanli todi ke bi pugini laa danligu masienkàama tila paalu ki go luodi sanbitoana yin dogi lie yeni ɲamu pò. Li táanli juodima, bi den táani ki ñii masienkàama tila 12 yaa n tuugi leni li tuonli, li biakudili sieditila (peremi), o nisaalo yema ɲamu, bi nipanba, bu kpaabu, i sani, u cogu leni mi tuonsoanbangima todima ligi (burisi).

I binpiiluobidi badu pò, bi den gandi mayùla lie : « Bukicina Faso leni Maroki danligu mi tuonsoanbangima nni ñuadi n tie yaala leni lan bua yaa tuona n soani.» leni « Maroki n táa yaa jagili ki baa todi Sayeli dogi n yaa pia mi tuginma leni Atilantiki kpenciamu tuona n poa ki da naani leni yaa tuona n pindi ki soani tiladi Bulicina Faso pò ».

II.3. A bicegidikàana cógú leni mi tuonsoanbangima koanbáli waani a koanbála táanli ke Bulicina Faso den gedi yaa badu n den bogini Mali diema nni ki tie AYESI kpenkpendituona badu li ɲandunli nni, li binli 2025 piiga n ciyendo o dana 21 daali Bamako dogu nni.

Ban den gandi yaa mayùli laa badu po tie « A kpenkpendituona tie yaa bonla n baa findi AYESI dogi siiga taayienu », Laa táanli po, bi bua ku danligu leni u taayienu tuona n yaa suagi liiga nani AYESI dogi tuginyenma cagili n sugini màamà. Laa badu den teni ke AYESI cagili dogi báa ki boni leni i yi, ki go táani ki bangi li báali leni u kpendu tuona.

Bulicina Faso tonda den doagidi bi kpenkpenda tiakuadikaadi. Bi go den waani ti diema n tie yaa aniali yaala n tie a kpenkpendituona, mi tuonsoanbanma bangima leni mi bancanma tuona pò.

II.4. Yaa koanbáli n die ku gbanansaagu jeliti tuona, bi nipanba leni a tuona báama puni a koanbála táanli yaa làabáalu n tuugi leni Bulicina Faso n puni u sanu ban bogini Wagadugu dogu nni mi taabuapiigima pò, Afiriki dogi nni yaaba n maadi mi nasaalima sikararabili jeligu biigicianma (SANIPASI) li binli 2026 cinaa o dana 9 ki gedi o dana 19 daali.

Laa biigima tie yaa yogunu ke Afiriki nipanba baa doagidi bi banma leni yaa taayienu n ye diema leni dieyama siiga. Afiriki dogi nni yaaba n maadi mi nasaalima sikararabili jeligu cagili gandi ti yaa dieme ki baa tieni laa jeligu biigicianma mi taabuapiigima pò kelima bi sua ke ti diema pia li aniali yaala n tie sikararabili jeligu bangima pò, ki go táani leni li báli danba n moa màamà Afiriki dogi siiga taayenamu pò.

Afiriki dogi yii n baa cua laa jeligu biigima pò coala bua ki cie dogi 19.

III. BAN DINI YAABA A BÁLA

III.1. BAN DINI YAABA A BÁLA YENDI YENDO TUONA NNI

YAA KOANBADIEGU N DIE TI BUUDI LENI O NISAALO N PIA YAA SANBILA, KI TUUGI LENI A TUONSOANJAANA KANI

Bi gandi ki yugidi yaa niba yaa yela n ɲua ne bála li tuonli nni ke bi tua a kpaadidiena guudima tuona polisinba goandikacianba liiga yaaba ki cili li binli 2025 cilele o dana 21 daali.

- Nalubebuolè Anniki **DABIRE**, pua, o lanba li tuonli nni tie **92 573 P** ;
- **RAMIDE** pua Hanriyeti /**NIKIEMA**, o lanba li tuonli nni tie **92 575 M** ;
- Honoré Giréguari **KARANBERI**, joa, o lanba li tuonli nni tie **92 574 D**.

Bi gandi ki yugidi yaa niba yaa yela n ɲua ne bála li tuonli nni ke bi tua a kpaadidiena guudima tuona polisinba goandikaàba caga liiga yaaba ki cili li binli 2025 cilele o dana 8 daali.

- Etienni **KAGANBEGA**, joa, o lanba li tuonli nni tie **222 272 J** ;
- Etienni **KANGABEGA**, joa, o lanba li tuonli nni tie **222 271 C** ;
- Abidulayi **KEBIRE**, joa, o lanba li tuonli nni tie **222 269 H** ;
- Hiberi **KI**, joa, o lanba li tuonli nni tie **222 273 X** ;
- Firédéríki **WEDIRAWOGO**, joa, o lanba li tuonli nni tie **222 270 V**.

Bi gandi ki yugidi yaa niba yaa yela n ɲua ne bála li tuonli nni ke bi tua a kpaadidiena guudima tuona polisinba goandikaaba gobidikàaba ki cili li binli 2025 cilele o dana 22 daali.

- René **BAKIONO**, joa, o lanba li tuonli nni tie **113 352 P** ;
- Apolineeri **KABORE**, joa, o lanba li tuonli nni tie **92 598 G** ;
- Poli **KABORE**, joa, o lanba li tuonli nni tie **92 601 C** ;
- Isufu **KUSUBE**, joa, o lanba li tuonli nni tie **222 275 V** ;
- Nia Sié **WATARA**, joa, o lanba li tuonli nni tie **57 362 L** ;
- Siaka **WATARA**, joa, o lanba li tuonli nni tie **240 039 M** ;
- Alegisi **PARE**, joa, o lanba li tuonli nni tie **213 760 M** ;
- Sumayela **SEBEGO**, joa, o lanba li tuonli nni tie **59 961 E** ;

- Sààyirinibè Jan Edeyi **SOME**, joa, o lanba li tuonli nni tie **203 376 K** ;
- Dialenli **YONLI**, joa, o lanba li tuonli nni tie **98 081 F**.

III.2. BAN DINI YAABA A BÁLA A TUONSOANJÀANA YELI PÒ

A Koanbála Táanli den baa ban dini yaaba a bála a tuonjaana tuona boginma pò :

- Polisinba tuona bangima cogidiecianli kani, li guunli koanbadiegu yeli nni;
- Kudugu, kaya leni Tengandogo logitodieciandi kani, li laafiali koanbadiegu yeli nni;
- Mi diema nni mi làabáalitenma tuona, enterineti leni telefoni findima cagili (AYENIPETIKI) kani, yaa koanbadiegu n diidi enterineti, a tisoankaana tuonsoandiedi leni tankalafo tuonaau yeli nni;
- Ku tingbangu diidima tuona cogidiecianli kani (ISEBE), yaa koanbadiegu n diidi i sani tienma leni a diegbenga maama yeli nni.

A Koanbála Táanli go den suagi ki báa ban dini yaaba a bála ke bi tua polisinba tuona bangima cogidiecianli leni ku tingbangu diidima tuona boginma cagili liigiyaaba.

A. LI GUUNLI KOANBADIEGU KANI

A Koanbála Táanli taa **masienkàama tila taa**.

Mi masienkàama tikpiali dini li báli yaa niba yaa yela n nua ne ke bi tua polisinba banginma cogidiecianli tuona boginma cagili yaaba bi cici báli pò bina taa (03).

YAABA N TUA A TUONA BOGINMA CAGA GOBIDIKÀABA BÀALÓ YELI PÒ

Li gunnli koanbadiegu kani:

- Bariké Ibirayima **TALL**, joa, o lanba li tuonli nni tie **111 486 E**, o tie polisinba tuona goandikoa, ki tua o pua Mari Denisi **SEBIGO** lebidu ;
- Bénéwendé **SANKARA**, joa, o lanba li tuonli nni tie **119 404 P**, o tie polisi komiseeri, ki tua o joa Wendinmanegedé Emanuweli **SONGO** lebidu.

Yaa koanbadiegu n die ti buudi leni o nisaalo n pia yaa sanbila, ki tuugi leni a tuonsoanjaana:

- Seyidu **SULAMA**, joa, o lanba li tuonli nni tie **130 401 U**, o tie bujialo, ki tua o pua Antuaneti **BASIE** lebidu.

YUA TUA A TUONA BOGINMA CAGA GOBIDIKÀABA POLISINBA COGIDIECIANLI CANBAANBA YELI PÒ

- Jeyano **NADENBEGA**, joa, o lanba li tuonli nni tie **283 353 T**, o tie polisi komiseeri, ki tua Wanbi Rolan **SONGO** lebidu.

**YUA TUA A TUONA BOGINMA CAGA GOBIDIKÀABA POLISINBA
COGIDIECIANLI TUONSOANBA YELI PÒ**

- Kotié Alidu **SIBA**, o lanba li tuonli nni tie **203 507 Z**, o tie polisigbeeli, ki tua Yami Hoséni SONGO lebidu

**YUA TUA A TUONA BOGINMA CAGA GOBIDIKÀABA POLISINBA
COGIDIECIANLI COGIBILA CAGILI YELI PÒ**

- Arino **YE**, joa, o lanba li tuonli nni tie **109 585**, o tie komiseeri tuonli bangima cogibiga, hali wan baa ki tie a cogibili cagili liiga yua ya yogunu bianu, ki tua o joa Sakado Edimon WEDIRAWOGO lebidu.

Mi masienkàama tilieli goa ki pandi yaa niba yaa yela n nua ne bála ke bi tie a tuona boginma caga gobidikàaba Bàaló yeli pò polisinba tuona bangima cogidiecianli kani bina taa pò.

**Yaa koanbadiegu n diidi baalo saliwuudo, a tuona leni bi tuonsoanba yema
ɲamu kani :**

- **WEDIRAWOGO** pua Patirisia Lisi **SUNGIRANA**, o lanba li tuonli nni tie **59 245 P**, o tie liseenba cogibicannaa.

**Yaa koanbadiegu n diidi baalo saliwuudo, a tuona leni bi tuonsoanba yema
ɲamu kani :**

- Esita Wendipuyiré **SAWADOGO**, pua, o lanba li tuonli nni tie **238 003 P**, o tie bi niba gobidima tuona tundikoa.

Yaa koanbadiegu n diidi ti diema loagu leni i ligi kubima ani :

- Kisiwendisida Isaka **YAMEWOGO**, joa, o lanba li tuonli nni tie **212 319 Y**, o tie u loagu tuona tundikoa.

Mi masienkaama titaali dini o joa Bariké Ibrahima **TALI** li báli, o lanba li tuonli nni tie **111 486 E**, o tie polisinba tuona kuli goandikoa, ke o tua polisinba cogidieli tuona boginma cagili liiga yua, o cici báli pò bina táa (03), ki tua Mari Denisi SEBIGO lebidu.

Mi masienkaama titaali dini o joa Bariké Ibrahima **TALI** li báli, o lanba li tuonli nni tie **111 486 E**, o tie polisinba tuona kuli goandikoa , ke o tua polisinba cogidieli tuona boginma cagili gobidikàaba liiga yua, o cici báli pò bina táa (03), ki tua Mari Denisi SEBIGO lebidu.

B. LI LAAFIALI KOANBADIEGU

A Koanbála Táanli táa **masienkàama tila taa (03)**.

Mi masienkàama tikpiali dini li báli o joa Sakariya **SAWADOGO**, o lanba li tuonli nni tie **226 327**, o tie bi tuonsoanba sanbila gobidikoa, o tua Kudugu logitodieciangu tuona boginma cagili gobidikoa Bàaló yeli pò yaa koanbadiegu n diidi Bàaaló saliwuudo, a tuona leni bi tuonsoanba yema ŋamu yeli nni, o cici báli pò bina táa (03), ki tua o joa Yamiganégiré Jude WEDIRAWOGO lebidu.

Mi masienkaama tilieli dini li báli o joa Wendinimi Parifè **KABORE**, o lanba li tuonli nni tie **97 990 P**, o tie bi tuonsoanba sanbila gobidikoa, o tua Kaya logitodieciangu tuona boginma cagili gobidikoa Bàaló yeli pò yaa koanbadiegu n diidi Bàaló saliwuudo, a tuona leni bi tuonsoanba yema ŋamu kani, o cici báli pò bina táa (03), ki tua o joa Jisé SUGE lebidu.

Le troisième masienkàama tilit nomme Monsieur Issoufou **OUEDRAOGO**, **Mle 105 246 A**, Inspecteur du travail, Administrateur représentant l’Etat, au titre du ministère de la Fonction publique, du travail et de la protection sociale au Conseil d’administration du Centre hospitalier universitaire (CHU) de Tengandogo pour un premier mandat de trois (03) ans, en remplacement de Monsieur Daouda OUEDRAOGO. **Mi masienkaama titaali** dini li báli o joa

Isufu **WEDIRAWOGO**, o lanba li tuonli nni tie **105 246 A**, o tie bi tuonsoanba sanbila gobidikoa, o tua Tandangogo logitodieciangu tuona boginma cagili godikoa Bàaló yeli pò yaa koanbadiegu n diidi Bàaló saliwuudo, a tuona leni bi tuonsoanba yema ŋamu kani, o cici báli pò bina táa (03), ki tua o joa Dawuda WEDIRAWOGO lebidu.

C. YAA KOANBADIEGU N DIIDI ENTERINETI, A TISOANKAANA TUONSOANDIEDI LENI TANKALAFO TUONA

A Koanbála Táanli táa **masienkàama tili** ki goa ki pandi o joa Kasimiri **NIKIEMA** báli, o lanba li tuonli nni tie **109 906 N**, o tie interineti tuona bando, o tua mi diema nni mi làabáalitenma tuona, enterineti leni telefoni findima cagili (AYENIPETIKI) tuona boginma gobidikoa Bàaló yeli pò, yaa koanbadiegu n diidi ti diema loagu leni i ligi kubima kani, o bájuodikaali pò bina táa (03).

D. YAA KOANBADIEGU N DIIDI I SANI TIENMA LENI A DIEGBENGA MAAMA

A Koanbála Táanli táa **masienkàama tila taa (03)**.

Mi masienkaama tikpiali dini li báli o joa Beterisogené Kutiberi **SONDA**, o tie minteeligbeeli, o tua ku tingbangu diidima tuona cogidiecianli (ISEBE) tuona boginma cagili gobidiko Bàaló yeli pò, yaa koanbadiegu n die ti diema guudima leni a minteelikpela maama kani, o cici báli pò bina táa (03).

Mi masienkàama tilieli goa ki pandi ya niba yaa yela n ŋua ne bála ke bi tie ku tingbangu diidima tuona cogidiecianli (ISEBE) tuona boginma cagili gobidikaaba, bi bájuodikaali pò bina táa (03).

YUA TUA A TUONA BOGINMA CAGILI GOBIDIKOA BÀALÓ YELI PÒ

Yaa koanbadiegu n diidi i sani tienma leni a diegbenga maama :

- Miseili **KAFANDO**, o lanba li tuonli nni tie **39 679 C**, o tie Bàaló ligidiedi goandikoa.

**YUA TUA A TUONA BOGINMA CAGILI GOBIDIKOA KU
TINGBANGU DIIDIMA TUONA COGIDIECIANLI TUONSOANBA
YELI PÒ**

- **KAMBIRE** pua Bienlo Oliga Miseli **KY**, o lanba li tuonli nni tie **50 001 W**, o tie li bonkuadikaala tuonsoanlo.

Mi masienkàama titaali goa ki pandi o joa Miseli **KAFANDO** báli, o lanba li tuonli nni tie **39 679 C**, o tie Bàaló ligidiedi goandikoa, o tua ku tingbangu diidima tuona cogidiecianli (ISEBE) tuona boginma cagili gobidikàaba liiga yua o bájuodikaali pò bina táa (03).



www.sig.gov.bf

Gufenema Masoagindo



Pengidiwende Silibeedi WEDIRAWOGO

O baa Bàaló jaandi leni Tanjoa maalima

Tinunga 27 tinunmu 27 siiga